

憲示第四百七十二號

輔政使司駱

曉諭事照得現奉

督憲札開昨歲京津亂事現已平靖茲准

諸國欽差駐紮中國全權大臣寄到告示一張理合刊登憲報俾眾週

知等因奉此合亟出示曉諭為此特示

一千九百零一年

八月

二十九日示

計開

諸國欽差駐紮中國全權大臣

為

出示曉諭事照得上年春夏之間中國北方各省釀成大亂拳匪官兵

造極惡之罪大悖仁義之道為伊古所未有五月十五日

大日本使館書記生杉山杉生在永定門慘遭殺害五月二十四日

大德國欽差全權大臣薄職前往總理各國事務衙門之時途次被戕

京都各國使館自是日起直至七月二十日同被圍困攻擊天津各國

租界亦被大炮猛攻二旬之久又被官兵拳匪屢次撲戰北京天津兩

處各國人民被害者殊多其財產毀損者亦復不少此外山西等省各

國人民大半皆係傳教之士亦多慘酷斃命泰西墳地被侮兼遭掘挖

拋棄屍骨之慘者不可勝數各國

政府驟聞兇信立即派軍航海彈壓亂情保護其民兼懲罪犯大沽礮

臺北京天津保定各城及鎮市等多處均被聯軍攻破且與官兵拳匪

屢次開仗兵拳無不敗北膺顯戮者不下數千餘黨遁出直境以外干

涉謀害西人之王大臣等均經從重擬罪其中數人已照

中國

皇帝嚴旨正法外省各等官員皆按其應得之咎予以懲處各國均獲重大

按理之賠款且戕害苛虐泰西人民之地方均停文武考試五年凡應

懲辦者既已懲辦中國亦甚為惋惜將諸國所討各端概然應許則睦

誼重敦聯軍漸次撤退惟諸國分應當留兵隊分保使館京師至海之

通道由諸國酌定數處留兵駐守以保無斷絕之虞所有與通道有碍

之大沽等礮臺皆須一律拆平以上各端由諸國全權大臣出示宣布

俾爾中國士民人等於聯軍來去情形無不家喻戶曉洞悉靡遺中國

官民鑒此前車慎厥將來免蹈日後再有復燃之禍尤為至要切切特

示

一千九百零一年

八月

初一日

辛丑年

六月

十七日